



U prisustvu brojnih prijatelja, kolega, sugrađana danas je Velikoj sali Centra za kulturu Goražde održana komemoracija povodom smrti našeg uglednog sugrađanina Nermina Džambegovića. O Nerminu su govorili njegovi prijatelji, kolege i članovi porodice, a među njima i načelnik Općine Goražde dr.sci. Muhamed Ramović. Svi oni u svojim govorima istakli su kako je naš grad izgubio istinskog prijatelja, velikog čovjeka, osobu koja je nesebično pomagala ljudima u nevolji, savjesnog i odgovornog sugrađanina.



Nermin Džambegović ostaće upamćen kao jedan od profesionalaca u poslu kojim se bavio, zatim po doprinosu u odbrani svoga grada, ali prije svega po skromnosti i dobroti kojom je zračio i činjenici da ga dužnosti i funkcije koje su mu povjeravane nikada nisu mijenjale.

Rođen je 1. aprila 1968. godine u Travniku. Osnovnu i srednju školu završio je u Zenici, a Vojnu akademiju u Beogradu. Već u aprilu 1992. godine dolazi u Goražde i aktivno se uključuje u odbranu ovog grada, te u proces formiranja Specijalne jedinice tadašnje SJB Goražde. Svoj ratni angažman nastavlja u komandi 43. drinske udarne brigade. Ranjen je 1993. godine u borbenim dještima na desnoj obali Drine i evakuiran na liječenje u Zenicu.

Odmah po oporavku priključuje se 3. korpusu ARBiH i do kraja rata obavlja dužnost komandanta Vojne policije. Krajem 1995. godine imenovan je za zamjenika komandanta Gardijske brigade ARBiH u Sarajevu. Od 1998. godine radio je kao profesor odbrane i sigurnosti u Goraždu, a krajem 1999. vraća se u policiju i preuzima dužnost komandira PS Goražde.

Kasnije je radio kao sekretar MUP-a BPK Goražde, a od decembra 2012. preuzeo je dužnost ministra unutrašnjih poslova. Za samo godinu dana provedenih na ovoj dužnosti Džambegović je uspio osigurati vrijednu opremu za MUP, te okončati radove na Šalter sali za pružanje usluga građanima, koja je potom i otvorena. Teška bolest zatekla ga je na dužnosti inspektora za nadzor nad agencijama za zaštitu ljudi i imovine.

Današnjom komemoracijom prisutni su odali počast liku i djelu Nermina Džambegovića, kojeg će se sjećati brojni prijatelji u gradu kojem je dao svoju nesebičnu ljubav. Nakon komemorativne sjednice, poslije podne namaza u 14h klanjana je dženaza na mezarju Kolijevke u Goraždu.

 FOTOGALERIJA

{AG}nermindz17{/AG}